

## Pregled Dokumentata| Broj 45/15

Početna (/) / Dokumenti (/Docs/) / Službeni glasnik BiH (/Docs/Drzavni) / Dokumenti pregled

## Službeni glasnik BiH, broj 45/15

Na osnovu člana 39. stav (1) Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08) i člana 21. Poslovnika Visokog sudskog i tužilačkog vijeća BiH ("Službeni glasnik BiH", br. 55/13, 96/13, 46/14, 61/14, 78/14 i 27/15), Visoko sudsko i tužilačko vijeće Bosne i Hercegovine, na sjednici održanoj 14. maja 2015. godine, usvojilo je

**PRAVILNIK****O IZMJENAMA I DOPUNAMA PRAVILNIKA O KVALIFIKACIONOM I PISMENOM TESTIRANJU KANDIDATA ZA POZICIJE NOSILACA PRAVOSUDNIH FUNKCIJA U PRAVOSUĐU BOSNE I HERCEGOVINE****Član 1.**

(1) U Pravilniku o kvalifikacionom testiranju kandidata za pozicije nosilaca pravosudnih funkcija u pravosuđu Bosne i Hercegovine ("Službeni glasnik BiH", br. 78/14) u članu 4. stav (2) tč. a) i b) riječi "koji nisu nosioci pravosudne funkcije" mijenjaju se riječima "koji ne obavljaju dužnost sudije ili tužioca". (2) Stav (3) mijenja se i glasi: "Izuzetno od odredaba st. (1) i (2) ovog člana, za kandidate koji u posljednje tri godine nisu ocijenjeni zbog odsustva sa funkcije sudije ili tužioca, odnosno kandidate na koje se primjenjuju odredbe člana 33. stav (2) Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08) ne provodi se kvalifikacioni odnosno pismeni test, a u obzir se uzima ocjena rada za posljednje tri godine koje su prethodile odsustvu odnosno prestanku funkcije."

**Član 2.**

Član 19. stav (3) mijenja se i glasi: "Kvalifikacioni test sa ispitnim zadacima generiše se automatski iz baze ispitnih zadataka po metodi slučajnog odabira, neposredno prije testiranja a najranije tri sata prije održavanja kvalifikacionog testa."

**Član 3.**

U članu 23. stav (1) riječi "i sudije Višeg privrednog suda" brišu se.

**Član 4.**

(1) U članu 23. iza stava (1) dodaje se novi stav (2) koji glasi: "Pismeni test za poziciju sudije Višeg privrednog suda uključuje pisanje pisane radnje koja predstavlja izradu cjelovite prvostepene odluke utemeljene na stvarnom

spisu predmeta".(2) Raniji stav (3) mijenja se i glasi:"Pismeni test za poziciju tužioca entitetskih tužilaštava i Tužilaštva BiH uključuje pisanje pisane radnje koja predstavlja izradu optužnice utemeljene na stvarnom spisu istražnog predmeta".(3) Raniji stav (5) mijenja se i glasi:"Iz spisa predmeta na kojem se temelji testiranje za pozicije navedene u stavu (1), (2) i (3) ovog člana izdvaja se sudska odluka, odluka viših instanci kao i drugi sastojci spisa koji bi mogli ugroziti objektivnost ispitnog postupka."(4) Dosadašnji st. (2), (3), (4), (5), (6) i (7) postaju st. (3), (4), (5), (6), (7) i (8).

#### **Član 5.**

(1) U članu 27. mijenja se naziv člana tako da glasi:"Kriteriji za bodovanje pisane radnje iz člana 23. st. (1), (2) i (3)".(2) U članu 27. tačka a) mijenja se i glasi: "a) elementi odluke (do 15 bodova)".

#### **Član 6.**

Iza člana 27. dodaje se član 27 a) koji glasi:

#### **Član 27.a)**

**"(Kriteriji za bodovanje pisane radnje iz člana. 23. stav (4))"**

*"Kriteriji za bodovanje pisane radnje kandidata iz člana 23. stav (4) ovog pravilnika su:a) Uvod optužnice (do 10 bodova),b) Dispozitiv optužnice - činjenični opis (do 50 bodova),c) Dispozitiv optužnice - pravna kvalifikacija (do 20 bodova),d) Ostali dijelovi optužnice - Prijedlozi za izvođenje dokaza, rezultat istrage, prijedlozi za izricanje mjera bezbjednosti - oduzimanje imovinske koristi, prijedlozi mjera za obezbjeđenje prisustva osumnjičenog - optuženog u daljem toku postupka (do 20 bodova)".*

#### **Član 7.**

U članu 28. stav (3) iza riječi "u članu 27." dodaju se riječi "i 27a)".

#### **Član 8.**

(1) U članu 30. stav (1) mijenja se i glasi:"Kandidat koji je položio kvalifikacioni odnosno pismeni test za određenu poziciju, shodno odredbama člana 17. i 23. ovog pravilnika, u periodu od godinu dana od dana polaganja testa neće se ponovo pozivati na testiranje i u tom slučaju u obzir će se uzeti ranije ostvareni uspjeh.

#### **Član 9.**

U članu 38. stav (3) riječ "automatski" briše se.

#### **Član 10.**

Ovaj pravilnik o izmjenama i dopunama Pravilnika stupa na snagu narednog dana od dana objavljivanja u "Službenom glasniku BiH".

Broj 04-02-2-1927-1/2015 14. maja 2015. godine Sarajevo

Predsjednik **Milan Tegeltija**, s. r.